




| |
|---|
| REPUBLIKA E KOSOVES/REPUBLIKA KOSOVA/REPUBLIC OF KOSOVO |
| AGJENCIA KUNDËR KORRUPSIONIT |
| AGENCIJA PROTIV KORUPCIJE |
| ANTI-CORRUPTION AGENCY |
| Dep. 20/DPK |
| Dep. Nr. i faq. 04 |
| Dep. Broj stranica 04 |
| Nr. pages |
| Nr. Prot. 01-3261/14 |
| Br. Prot. 17.09.2014 |
| Prot No. |
| Date |
| Datum |
| Date |
| PRISHTINE |



**Republika e Kosovës
Republika Kosova-Republic of Kosovo**

AGJENCIA KUNDËR KORRUPSIONIT
AGENCIJA PROTIV KORUPCIJE
ANTI – CORRUPTION AGENCY

| | |
|------------------------|---|
| DATË/A: | 15.09.2014 |
| REFERENC-Ë: | AKK-D.P.K. |
| PËR/ZA/TO: | z. Gjylfidane Kadrijaj – Banka Qendrore e Kosovës (BQK) |
| Cc: | |
| PËRMES/PREKO/THROUGH: | |
| NGA/OD/FROM: | z. Hasan Preteni – Drejtor i Agjencisë kundër Korruptionit |
| TEMA/SUBJEKAT/SUBJECT: | Opinion - Ofrimi i këshillimit profesional lidhur me Parandalimin e konflikti të interesit në ushtrimin e funksionit publik |

E nderuara znj. Gjylfidane Kadrijaj

Lidhur me kërkesën tuaj të pranuar në Agjencinë kundër Korruptionit (DPK-03-3220/14), ju njoftojmë se; në kuadër të kompetencave të Agjencisë kundër Korruptionit lidhur me konfliktin e interesit, sipas Ligjit për Parandalimin e Konfliktit të interesit në ushtrimin e funksionit publik (L.P.K.I.), Agjencia; "bënë këshillimin e zyrtarëve të lartë të veçantë, të eprorëve, të institucioneve eprore, me kërkesën e tyre, për raste të caktuara të shfaqjes së konfliktit të interesave, dhe për çështje të etikës të lidhura me to, si dhe me regjistrimin "rast për rast të interesave", (Neni 19, pika 1.5, e Ligjit Nr.04/L-051).

Kërkesa e juaj, ka të bëjë me sqarimin, respektivisht marjen e një opinioni nga Agjencia kundër Korruption, lidhur më pretendimet e të tjerëve, të cilët juve, në cilësinë e Zyrtarës së lartë të Bankës Qendrore të Kosovës (Drejtoshë-Departamentit i Sistemeve të Pagesave), ju

Faqe 1 nga 1



kanë parë në konflikt interes i Kompaninë ofertuese në projektin “Sistemi Automatik i Transfereve (RTGS-Real Time Gross Settlement).

Prandaj Agjacioni kundër Korrupsion (AKK), në pajtim me mandatin që ka dhe duke u bazuar në Ligjet bazë të Agjencisë, për rastin e caktuar, ka nxjerr këtë :

OPINION :

Nuk ka konflikt faktik interes, në ushtrimin e funksionit publik; Drejtoreshë-Departamenti i Sistemeve të Pagesave, në lidhje me Projektin: “Sistemi Automatik i Transfereve” (RTGS- Real time Gross Settlement) në Bankën Qendrore të Kosovës.

Nësë eventualisht gjatë këtij procesi ndryshojnë rrethanat dhe shfaqet “konflikti rast përrast i interesit”, ju në cilësinë e zyrtares së lartë, jeni e obliguar që, për të parandaluar atë situatë, ta deklaroni ate dhe të tërhiqeni nga vendimarrja eventuale në atë proces.

Ushtrimi i funksioneve publike nënkuption që zyrtarët e lartë nuk duhet që të lejojnë që interesat e tyre private të bien në konflikt me funksionet e tyre. Ata duhet të shmangun konfliktin e interesit, pavarsisht nëse ai është real (faktik) apo i mundshëm.

Këtu, në bazë të kërkesës tuaj me numër protokoli të AKK-së DPKI-03-2999/14, do të përgjigjemi në pyetjen që ju e keni parashtruar në shkresën tuaj.

Se çka është konflikti i interesit është përkufizuar në nenin 6 të Ligjit për Parandalimin e konflikti të interesit në ushtrimin e funksionit publik, si vijon :

“Konflikti i interesit është gjendja e mospajtimit ndërmjet detyrës publike dhe interesit privat të zyrtarit të lartë, kur ai ka interesa private të drejtëpërdrejta ose të tërrhorta, personale ose pasurore, të cilat ndikojnë, ose duket sikur ndikojnë në ligjshmërinë, transparencën, objektivitetin dhe paanësinë e tij gjatë ushtrimit të funksionit publik”.

Në rastin tuaj konkret nuk ka konflikt interes faktik, në Projektin “Sistemi automatik i transfereve”, për të cilin ka ofertuar edhe një Kompani multinacionale në të cilën punon edhe bashkëshorti i juaj.

Nga informacionet mbi biznesin “Asseco See” Sh.p.k. shihet se bashkëshorti i juaj nuk është në mesin e personave të autorizuar të këtij biznesi. Ndërsa nga shkresa zyrtare që kemi marr nga Drejtori Ekzekutiv i kësaj Kompanie (DPK-03-3084-14), lidhur me pëershkrimin e përgjegjësive dhe kompetencave në punë, për ztr. Xhevrat Kadrijaj, është thënë se: *“fushëvprimtaria të cilën ai e menaxhon, është mirëmbajtje e ATM dhe POS pajisjeve dhe ate vetëm për bankat komerciale në Kosovë dhe Shqipëri, dhe, se ai nuk merr pjesë në tenderët e bankave gendrore të asnjerit vend me këto shërbime”*.

Po ashtu në informacionin zyrtar që kemi marr edhe nga Banka Qendrore e Kosovës (DPK-03-3220-14) shihet se ju, znj. Kadrijaj, nuk jeni pjesë e Komisionit për vlerësimin e ofertave lidhur me këtë tender.

Në fakt, ju znj. Kadrijaj, ishit pjesë e Grupit punues për implementimin e këtyre projekteve, gjë që, a-priori, nuk është situatë e konfliktit faktik të interesit në ushtrimin e funksionit tuaj publik.

Por, në rast të ndryshimit të rrëthanave, mund të ketë konflikt “rast për rast” të interesit në ushtrimin e funksionit publik.

Kjo ndodhë atëherë kur nga ju bashkëshortët, njeri apo tjetri merr rol tjetër, qoftë në institucionin publik (BQK) apo në Kompaninë përkatëse (Asseco See).

Por, edhe kjo situatë e mundshme e konflikti të interesit, mund të parandalohet.

Në raste të tilla, zyrtari i lartë obligohet që të bëjë deklarimin “rast për rast” të interesave private.

Mënyra se si mund të parandalohet kjo, është e rregulluar me Ligjin për Parandalimin e konfliktit të interesit në ushtrimin e funksionit publik, në tri paragafe të nenit 13, si vijon:

1. Çdo zyrtar i lartë gjatë ushtrimit të funksionit të tij publike, në bazë të njohurive të tij dhe në mirëbesim, detyrohet që të bëjë vet deklarimin paraprak, rast për rast, të ekzistencës së interesit të tij private lidhur me vendimmarrjen në një çështje të caktuar, që mund të bëhen shkak për lindjen e një konflikti të interesit.

2. Deklarimi rast për rast i interesave private bëhet çdo herë nga zyrtari i lartë, kur kjo kërkohet nga eprori ose nga institucioni mbikëqyrës. Deklarimi si rregull duhet këruar dhe bërë paraprakisht. Kur kjo nuk është e mundur ose kur nuk ka ndodhur, deklarimi duhet të kërkohet të bëhet sa me shpejt që të jetë e mundur.

3. Vetë deklarimi si rregull bëhet me shkrim, kur zyrtari i lartë përfshihet në një vendimmarrje për ndonjë çështje të caktuar.

Konflikti i interesit është i rregullar edhe me Ligjin për Bankën Qendrore të Republikës së Kosovës.

Konkretisht neni 69 në paragrafet 1, dhe 2 shprehimisht thotë:

1. Anëtarët e organeve vendimmarrëse dhe personeli i Bankës Qendrore kanë detyrë mirëbesimi ndaj Bankës Qendrore dhe ndaj klientëve të saj për të vënë interesat e Bankës Qendrore dhe interesat e klientëve të saj para interesave të veta.

2. Anëtarët e organeve vendimmarrëse dhe personelit të Bankës Qendrore do të shmangin çdo situatë që ka të ngjarë të çojë në një konflikt të interesit. Një konflikt i interesi lind kur anëtarët e organeve vendimmarrëse dhe personeli i Bankës Qendrore kanë interesa private apo personale që mund të ndikojnë apo duken të ndikojnë në realizimin e paanshëm dhe objektiv të detyrave të tyre. Interesat private apo personale të anëtarëve të organeve

vendimmarrëse dhe personelit të Bankës Qendrore nënkuptojnë çdo avantazh të mundshëm për veten e tyre, familjen e tyre, të afërmave të tyre deri në rendin e dytë apo rrëthin e tyre të miqve dhe të njohurve. Nëse një (1) anëtar i Bordit të Bankës Qendrore ose Bordit Ekzekutiv e gjejnë veten në një situatë ku ka gjasa të sjellin një konflikt të interesit kërkohet që menjëherë të njoftoj anëtarët e tjerë dhe të largoj veten nga çdo diskutim apo vendim që ka të bëj me ndonjë çështje ose konflikt të interesit.

Te Ligji për Parandalimin e konflikti të interesit, neni 8, janë të përcaktuara detyrimet e zyrtarit të lartë për të shmangur situatat e konfliktit të interesit në ushtrimin e funksionit publik.

Me respekt,

Faqe 4 nga 1